

南北史合注

南北史合注卷六

梁本紀

第六

南史六

梁高祖武皇帝諱衍字叔達小字練兒南蘭陵中都里人姓蕭氏與齊同承淮陰令整

顏氏家訓曰梁子孫皆呼練為綃至謂銷練物為銷綃物

慧景與高祖進行鄧城魏孝文帥十萬騎奄至慧景引退高祖止之不從於是大敗高祖帥眾拒戰獨得全軍

姚思康梁書曰高祖獨帥眾拒戰殺數千百人魏騎結陣稍却至夕得下船慧景軍死傷畧盡思按梁武與慧景共事

何序勝負迴分皆史臣飾詞

高祖謂張弘策曰政出多門亂其階矣

梁書載高祖言曰詩云一國三公吾誰適從况今有六嫌陳若成方相誅滅

既定以十一月乙巳召僚佐集於聽事告以舉兵

梁書載高祖言曰今昏主惡稔天命殛之相與共興義舉公侯將相其在茲日我不食言

於是斬之送首山陽山陽信之馳入城將踰閭縣門發折其車轅殺車而走中兵介軍陳秀拔戰逐之斬於門外傳首高祖

愚按南齊蕭穎胄傳又云斬山陽者席闡文同一南史在齊屬席在梁屬陳安所取信

遠便進兵恐非廟算高祖答曰今坐甲十萬糧用自竭若頓兵十旬必生悔吝

梁書有曰况所藉義兵一時驍銳事事相接猶恐疑忌

遂移檄建鄴南陽威武

梁書載檄曰夫道不常夷時無永化故昌邑恃德孝宣幸興海內亂政簡文升歷海內並未亂政理驗前經事昭往來獨

夫擾亂天常，毀弃君德，挺虐剪之年，植險髻升之日，自大
行告斬，梓宮在殯，覲無哀色，懽娛遊宴，奇服異衣，更極誇麗，
至於選采妃嬪，姊妹無別，格侍巾櫛，姑姪莫辨，掖庭有婢販
之名，姬姜被干戈之服，斬新其間，以為歡笑，聘肆淫放，驅屏
郊邑，老弱波流，士女塗炭，行產盈路，與尸竟道，母不及祀，子
不遑哭，晝伏宵遊，而無休息，淫酗籌肆，酣歌壺邱，梅蟲兜如，
法珍賊獲，斯小，尚制威柄，誅剪忠良，屠滅卿宰，劉鎮軍渭陽
之尊，盡忠奉國，江僕射外戚之重，竭誠事上，蕭領軍葭莩之
宗，志存柱石，徐司空沈僕射縉紳冠冕，人望攸歸，並受遺託，
同參頌命，送往事居，俱竭心力，而一朝齟齬，孩稚靡遺，人神
然結，行路嗟憤，亡兄蕭會稽忠公，幹伐誠實，幽顯凄剪，蚊虻
清我王度，崔慧景奇鋒迅駭，兵家家魏，殺名送款，比屋文駝，
復誓旅江甸，奮不顧身，克藏大慈，以固皇基，教責未聞，禍酷

適及至於悖礼違教傷化虐人射入殄路比之猶善盡萬縣
之竹未足紀其過窮山澤之鬼不能書其罪祖君彦清場微
書罪無窮決東海之波莫府荷眷前朝義均休戚上懷委付
疏忌難盡孟本於此莫府荷眷前朝義均休戚上懷委付
之重下惟在原之痛豈可卧薪引火坐觀傾覆南康王體自
高宗行驗當璧謳歌攸奉萬有樂推帝德雖彰元惡猶梗仰
稟宸規率先啟路蜀漢果銳沿流而下淮汝勁勇望波遙驚
莫府統率貔貅驍勇百萬擬金沸池鳴鞞聒天霜鋒耀日朱
旌絳寓方舟千里絡繹係進蕭右軍擁荆南之衆督四方之
師旂麾所指威稜無外龍驤虎步並集建鄴壁猶崩大山而
廢城壤決懸河而注燥燼豈有不珍威者哉今賢斧所加止
蟲鬼法珍而已諸君羽儀佻首奸黨膏因變立功轉禍為福
若執迷不悟刑茲罔赦所謂大烈高原玉石同灰勉求多福
無貽後悔賞罰之科有如白水

一七三
及至竟陵。命長史王茂興、太守曹景宗為前軍，中兵參軍張法安守竟陵城。

梁書曰：茂等至漢口，輕兵濟江，逼郢城。典刺史張冲戰不利。諸將議併軍圍郢，分兵襲西陽、武昌。高祖曰：「房僧寄以重兵守漢口，為郢掎角。若悉眾前進，賊必絕我軍後。今欲遣王曹諸軍濟江，與荊州軍會，以通賊壘。吾自後圍魯山，以通沔漢。郢城竟陵閉塞，方舟而下，江陵湘中兵連楨，繼至糧足，士多圍守兩城，不攻自拔，天下事卧取之耳。」諸將皆善之。

一七四
甲寅，東晉遣寧朔將軍吳子陽、光子於等十三軍救郢州，進據巴口。

梁書載：六月，西臺遣衛尉席阐、文勞軍蕭穎胄等議謂高祖曰：「今頓兵兩岸，不併軍圍郢，定西陽、武昌，取江州，此機已失。莫若請救於魏，與北連和。」高祖謂阐文曰：「漢口路通荊雍，控

引秦梁糧運資儲聽此氣息若併軍困城又分兵前進曹山
糧道不通自然離散何謂持久鄧元起近欲以三千兵往定
尋陽彼若惛然悟機一郡生亦足脫距王師故非三千能下
進退無據未見其可西陽武昌取使得耳得使應鎮守守而
城不滅萬人糧儲稱是卒無所出脫賊軍有上者萬人攻一
城兩城勢不得相救若我分軍應援則首尾俱弱如其不遣
孤城必陷一城既及諸城相次土崩天下事去矣若郢州既
拔席捲沿流西陽武昌自然風靡且丈夫舉動言靜天步况
擁數州之兵以誅羣豎懸河注火奚有不滅豈有北面請救
以身示弱彼未必能信徒貽我醜聲此之下計何謂上策卿
為我自鎮軍前途攻取但以見付事無不捷侍鎮軍靜鎮之

耳

東晉又遣征虜將軍王珣圖列陣於航南大路悉配精手利器尚

十餘萬閩人王依子持白虎幡督諸軍王茂曾景宗等將而奔之
梁書曰將士皆死戰無不一當百鼓噪震天地
珍國之眾一時土崩

梁書曰殺淮元者積尸無航等後至者乘之以濟

帝命呂僧珍張彌勒兵封府庫及國籍帝乃入攻嬖妾潘妃誅之

據後張弘采傳則潘妃以賜軍士自縊非誅也

而戊戌入鎮殿內是日鳳凰集建鄴又下令凡官制謬賦淫刑濫役
外可詳檢前原悉皆除蕩

冊府元龜載今日廢主素常自絕宗廟征賦不一苛酷滋章
縫繡土木菽粟犬馬徵發閭左以充繕築流離寒暑繼以疫
癘轉死溝壑曾莫收卹朽肉枯骸鳥為厭食加以天災屢焚
宮掖官府臺寺尺椽靡遺悲甚黍離痛兼麥秀斯民何辜罹
此塗炭猥以寡薄屬當大寵思聞皇猷無之史始

又下令減損浮費。自非奉案。咸修。緩冕。習。禮樂之容。繕甲兵之備。此外一皆禁絕。

梁書載今日。永元失德。書契未紀。城室外構。傾宮內積。上慢下暴。淫肆競馳。並甲第康衢。漸台廣室。長袖低昂。等和戎之賜。珍羞百品。同伐冰之家。愚人因之。浸以成俗。至乃市井之家。貂狐在御。工商之子。緹繡是襲。日入之次。夜分未反。味典之朝。期之清旦。且浮費之後。繼以興師。巨橋鹿臺。凋罄不一。孤豚荷大寵。務在澄清。仰遵皇朝。大帛之旨。所勵微躬。鹿裘之義。菲衣薄食。請自孤始。實望多士。將其此心。

公^一星言鞠旅。軍命徂征。拯我邊危。重獲安堵。此又公之功也。

梁書曰。鄆城之役。胡馬卒至。元帥潛奔。不相告報。棄甲捐師。鉞之虎口。公南收散卒。北禦彫騎。全眾方軌。棄路徐歸。公^一爰命英勇。因機騁銳。氣冠阪泉。勢踰涇水。此又公之功也。

梁書曰：追奔逐北，奄有通津。熊耳比峻，未足云擬。雖水不流，

曷其能及。

極其將魚，驅其袒髮。

梁書作：驅其被髮。

且聞：中間立格，甲族以二十登仕，後門以過立試吏。豈所以弘獎風流，希向後進，此實巨蠹，尤宜刊革。

梁書載高祖表曰：臣聞以言取士，士飾其言；以行取人，人竭

其行。前代選官，皆立選簿，曹籍升降，行能臧否，或素定惟抱，

或將之餘論，故得簡通賓客，無事掃門。頃代陵夷，九流乖失，

其有勇退忘進，懷實抱真者，選部或以未經朝謁，難于進用，

或有晦善藏身，自理衡華，又以名不素著，絕其階緒，必須盡

刺投狀，然後禪冠，則是驅迫廉楊，獎成澆競。愚謂自今選曹

宜精隱括，依舊立簿，使冠履無爽，名實不違。庶人識涯涘，造

(一)

兵

請自息。且聞中間立格，甲族以二十登仕，後門以過立試吏。若八元立年，居卑隸而見抑，四凶弱冠處鼎族而宜甄，是則世祿之家無意為善，布衣之士肆心為惡，豈所以弘獎風流，希向後進，此實巨蠹，尤宜刊革。

於戲！王允執其中，式遵前典，以副昊天之望。禮上帝而臨億兆，格文祖而膺大業，以傳無疆之祚，豈不盛歟。

愚按：邱遲本傳以上諸文皆遲筆。

諸阮徒家，並聽還本土。

梁書曰：追尊皇考曰文皇帝，廟號太祖。皇妣為獻皇后，追謚妃，郁氏為宣德皇后，追封兄懿為長沙王，謚宣武弟粲永陽王，暢衡陽王，融桂陽王，俱賜謚。

若衰老不能自存者，官給粟食。

梁書載詔曰：宋世以來，並恣淫侈，傾宮之富，遂盈數千，撫絃

命管良家不被蜀織室綉房出厄猶見役弊國傷和莫此為

甚云云

己巳巴陵王姐于姑執追謚齊和帝終礼一如故事詔分遣内侍周省四方觀政聽謠訪賢奉滯

梁武帝集載全詔曰朕以寡薄當符命之重思所以振民育德去殷勝殘解網更張置之仁壽而明慙照遠知不周物興

言夕惕無忘寤寐可分遣内侍云云

壬寅詔以憲綱日弛漸以為俗令端右以風聞奏事依元熙舊制按本史於此下方載追尊皇考皇妣等恐不宜在諸王後合

改從梁書

文州獻龍歌鸚鵡詔不納

冊府元龜載九月丁亥詔曰為牧必任姬文垂則難免有刑齊宣致敗數澤山林毓材是出斧斤之用比屋所寶頃世相

(一)

五九

承並加封綢可悉開常禁。
是歲林邑于阇利國遣使朝貢。

黃洪憲紀政綱目曰：是年天竺梵學入中國，中國幼子自此

始。
二年春正月，以尚書僕射沈約為左僕射，吏部尚書范雲為右僕射。

梁書載：甲寅詔曰：朕齋居宣室，留心聽斷，而九牧遐荒，無因臨覽，可申教諸州，月一臨記。

三月，隕霜殺草。夏五月丁巳，以扶南王橋陳如閏耶跋摩為安南將軍。

高僧傳曰：天監二年四月，武帝興俗二萬人，發菩提心於重雲殿閣上。至十一月，下教曰：大經中說九十六種道，惟佛道是正。餘九十五種皆邪道，朕舍邪外，以事正內。若公卿能入

此誓各可發菩提心老子周公孔子雅如來弟子而化跡既
邪止世間之善不能隔凡成聖公卿侯王百官宜捨邪入正
云云愚按梁武謗儒推佛此其立言猶謬者故錄以示戒
六月丙子詔分遣使巡察州部視民冤酷

梁書載詔曰東海匹婦致災邦國而王孤魂登樓請訴念此
于懷中夜太息可分將命巡行州部其有深冤鉅害聽詣使
者自列庶邀聽遠聞事均親覽
八月魏克司州

隋書刑法志曰梁武帝敦睦九族優惜朝士百姓有罪則案
以法一人亡逃舉家執作緣坐則老幼不免是月帝親謁南
郊有稜校老人遶帝曰陛下為法急於黎庶緩於權貴非長
久之術誠能反是天下幸甚帝於是思有以寬之次年乃詔
捕擿之家及罪應實作若年有老少可停將送

丙午省鳳凰街書使。

梁武帝集載詔曰朕君臨南面道風益缺雖嘉祥時至猶當顧脩寡德推而不居况于名實頓興自欺耳目頃一日元會太學奏鳳凰街書使乃令人受書升殿跪奏誠復率由前代然內有懷慙可罷之。

戊申詔往代多命宮人惟宮觀禮郊之禮非所以仰虔蒼昊自今停止。

梁武帝集詔曰夫禮郊饗帝至敬儀在竭誠書慙猶懼有違而往代多令宮人縱祀茲禮悖宮廣設輻輳耀路非所以仰虔蒼昊屬車之間見識前世使可停止。

夏四月丁巳以行省昌王梁彌博為安西將軍河涼二州刺史正封宕昌王。

梁書載五月辛卯建康縣朔陰里生嘉禾一莖十二穗。

六月庚戌立孔子廟。

梁書載八月庚子老人星見。愚按此後屢見皆不再記。五年春正月丁卯朔詔凡諸郡國舊族邦內無在朝位者選官搜括使郡有一人。

梁書載前段詔曰朕兼明廣照屈于堂戶飛耳長目不及四方永言愧懷無忘旦夕。

詔建康縣置三官典廷尉三官分掌獄事疏建康為南獄廷尉為北獄。

梁書載詔曰朕昧旦齋居惟刑是恤三辟五聽寢興載懷故陳肺石於都街增官司於詔獄殷勤親覽小大以情而明慎未協囹圄尚權凡狴獄之所可遣法官近侍進錄囚徒如有枉滯以時奏聞。

六年春三月庚申霜殺草是月有三象入建鄴。

冊府元龜載正月詔曰建國君民立教為首不孝將落嘉植
靡由朕光宅區宇雖耕耘雅業旁闡苑文而成器未廣志本
猶缺思欲式親讓齒自家刑國宜大取羣教博延胄子務使
十倫弘此三德使陶鈞遠被徽言載表

梁書載正月詔曰夫有天下者義非為己凶荒疾疫兵革水
火有一於此責歸元首今祝史祈禱繼諸不善以朕身當之
永使災害勿及萬姓不得為朕祈福以增其過

秋八月戊子赦戊戌都下大水

隋書五行志曰壽上御道七尺

秋八月丁巳皇子暉生赦大辟以下未結正者九月壬辰置童子

奉平郵

梁書載丁亥詔公家諸屯戍見封墳者可悉開常禁與民同
利

^{一〇一}丙子詔大奉北使丁丑魏縣縣鎮主白阜生豫州刺史胡遜以城內屬

冊府元龜載是年皇太子宗室王侯就學受業車駕親奠先師先聖芳以束帛

^{一〇二}夏四月戊申以司徒臨川王宏為司空揚州刺史以車騎將軍領太子詹事王茂即本號開府儀同三司

梁書載五月壬午詔士子能通經始末無倦者量加叙錄雖寒品後門勿有遺隔

^{一〇三}夏六月以國子監祭酒張充為尚書右僕射

冊府元龜載七月詔曰昔公卿面陳載在前史今僕陞奏前代明文所以釐彼庶績成茲羣務晉代陵替虛誕為風自此相因其失彌遠遂使武帳空勞無汲公之奏丹墀徒闕缺鄭生之役三槐八座及有務之官宜入陳奏啟庶藉周爰少評

(一)

三

寡薄

一九三

十一年春正月壬辰詔自今逋讎之家及罪應質作若年有老小可停將送加鎮南將軍江州刺史建安王偉同府儀同三司司空揚州刺史臨川王宏進位太尉以驃騎將軍王茂為司空

冊府元龜載是月詔曰夫刑法悼髦罪不收孥禮著明文史彰前事近代相因嚴網彌峻昔年華髮同入罪罟老幼流離良亦可愍自今捕讎之家及罪應質作年有老少可停將送

一九三

三月丁巳為旱故曲赦楊徐二州庚申高麗國遣使朝貢

冊府元龜載四月戊午詔曰去歲荆山大穢醜類宜為京觀用旌武功但伐罪弔民皇王威軌掩骼埋胔仁者用心可卜

青州悉使藏殯

一九四

丙寅詔明下邊近若委骸不葬或落衣莫改量給棺具收斂梁書載詔曰掩骼埋胔義重周經禮積有加事異漢策朕向

隅載壞。極下哀矜。而寓縣遐深。遵奉未洽。言愆沈枯。彌勞惕。測可明下遠近。依詔從事。庶夜哭之鬼斯慰。害霜之骨有歸。
十五年春三月戊辰朔。日有蝕之。既。

冊府元龜載。是年五月詔申下。四方政有不便於民者。所在具條以聞。其守宰或廉或貪。亦分別奏上。以行黜陟。

六月庚子。以尚書令王瑩為左光祿大夫。同府儀同三司。尚書右僕射袁昂為左僕射。吏部尚書王暕為右僕射。秋八月。蠕蠕河南國各遣使朝貢。

隋書五行志曰。是年七月荆州市殺人。首墮身不僵。動口張目。血如竹箭。直上丈餘。然後如雨細下。是年荊州大旱。近亦祥寃戾氣之應。

郊廟牲牷皆代以麋。其山川諸祀則否。

冊府元龜載詔曰。神無常饗。饗于克誠。西隣禴祭。實受其福。

宗廟祭祀猶存牲牢無益至誠有累冥道可量代

^{一九六}冬十月宗廟薦羞始用蔬果

冊府元龜載詔曰今雖無復牲腥猶有脯脩即之幽明義有未盡可更詳定悉薦時蔬

^{一九六}十七年春二月癸巳雍州刺史安成王秀薨甲辰大赦

梁書載正月丁巳詔民有流移他境者可開恩半歲悉聽還本土蠲課三年有不樂還者著土籍為民准舊課輸

^{一九七}夏四月丁巳帝於無碍殿受佛戒赦罪人

高僧傳曰天監末武帝教于莊嚴寺建八座法輪寺有講堂宋孝武所立樂極增映延表遐邇至是不容聽眾乃敕停講五十日悉移窓戶四出簷窗猶為逼迫日有推折

南北史合注卷七

梁本紀 第七

南史七

丙辰詔曰平秩東作義不在南前代因襲有乖礼制可於震方具茲千畝于是從籍田於東郊十五里

冊府元龜載從籍田於建康北岸築兆域大小列種梨柏使殿及齋宮省如南北郊別有望耕臺在壇東帝親耕畢登北臺以觀公卿推戍又有祈年殿云

二月丁巳詔自今可停賀瑞

梁書載詔曰近王公卿士拜表賀瑞雖體國之誠然朕政道多缺淳化未凝比乃更張寡薄重增具尤自今可停賀瑞是歲百濟新羅國各遣使朝貢

紀政綱目曰西域僧達磨自南天竺泛海至廣州後止嵩山傳忠可禪學中國禪學自使始

(一)

二月^三乙亥耕藉田孝弟力田賜爵一級豫耕之司剋日勞酒

隋書禮志曰梁初藉田依宋齊以正月用事武帝以啓蟄而耕則在二月郊內書云以殷仲春藉田理在建卯乃改用二月

梁書載詔曰耕藉之義大矣哉古者哲王咸用此作春言八政茲茲千畝公卿百辟恪恭其儀九推禮畢馨香靡贊兼以風雲叶律氣象光華廣覽休辰思加獎勸可班下遠近廣嗣良時公私猷畝務盡地利若欲附農而種種有乏亦加貸恤每使優過

二^三庚子以員外散騎常侍元樹為平北將軍北青兗二州刺史率眾侵魏

梁書載秋月辛未賜北侵義客一階是歲剋魏睢陵建陵郢才檀丘曲陽東莞荆山狄城安城等城又剋平靜武陽峴山

三

庚申^二魏徐州刺史元法僧以彭城未降

梁書載己巳詔曰廟謨已定王略方舉侍中領軍將軍西昌侯淵藻可使親戎以前啟行鎮北將軍豫章王綜董馭雄傑風馳次邁其餘眾軍計日差遣初中後師善將嚴辦朕當六軍雲動龍舟濟江

冬^二十二月壬辰都下地震是歲魏孝昌元年

梁書載是歲魏南鄉馬圈彫陽新蔡龍亢晉城鄭城等冬十一月庚辰丁貴墳薨大赦是歲河南高麗林邑滑國並遣使

朝貢

梁書載魏壽陽改為南豫州又降魏新野郡

會^二畢帝御金輅還宮御太極殿大赦改元高僧傳曰是月帝幸同泰寺進位為奴地震百僚請復位凡

(一)

六五

十五日十一月十一日駕還

二年夏四月癸丑幸同泰寺設平等會庚申大雨雹

隋書五行志載是年同泰寺災

資治通鑑曰上聞寺災乃曰此魔也宜廣為法事羣下稱善乃詔曰道高魔盛行善障生當窮茲土木倍增往日遂起十

二層浮圖將成直侯景亂止

三月庚申詔求諫言及令文武在位奉士戊寅帝幸同泰寺設平

等法會

梁書詔曰朕治道不明政用多僻百辟無沃心之言四聰罔
飛耳之聽州縣刺舉郡忘共治致使失理負謗無由聞達
文弄法因事生奸肺石空陳懸鐘徒設凡朕在朝各獻諫言
政治不便於民者可悉陳之若在四遠刺史二千石長吏並
以奏聞細民有言事者或為申達朕將親覽以紓其過文武

在位。參爾所知。公侯將相。隨才擢用。拾遺補闕。勿有所隱。
八月辛卯。幸河育王寺。設無碍法喜食。大赦。九月。使兼散騎常侍
張昇聘于東魏。

梁書載。北徐州境內。旅生稻稈二千餘頃。
是歲。都下訛言。天子取人肝以飴天狗。大小相警。日晚便閉門持
仗。數月乃止。

是歲。東魏興和元年。

夏四月癸未。詔晉宋齊三代諸陵有職司者。勤加守護。

梁書載詔曰。今世興王嗣賢傳業。聲稱不朽。人代徂遷。二賓
以位。三恪義在。時事浸遠。宿草榛蕪。望古興懷。言念愴然。晉
宋齊三代諸陵有職司者。勤加守護。勿令細民妄相侵毀。作
兵有少補。使充足。前無守視。並可量給。

八月戊午。大赦。辛未。盤盤國遣使朝貢。

(一)

六

梁書載詔尚書中有疑事自今於朝堂參議以聞不得如前

倚立求決

二五九月戊戌司空袁昂薨

梁書載始平太守崔頌表獻嘉禾一莖十二穗

二五七年春正月辛巳祀南郊大赦辛丑祀明堂

梁書載詔有流移夫妻梓者各還田宅蠲課五年

二五冬十一月丙子詔停所在使役女丁

梁書載詔七年十一月九日昧爽以前凡嚴管耗通逋負在

民間無問多少皆赦除之又詔頃者富家豪室多假没入公

責價賦稅以苦貧民自今無假典已假者不追

二五十二月壬寅東魏人來聘遣兼散騎常侍袁狎報聘

梁書載詔曰朕當食投箸方眠撤枕獨坐懷憂憤慨中旦非

為一人萬姓故耳州牧多非良才守宰虎而傅翼楊阜是故

憂憤賈誼所以流涕。至於民間誅求萬端。或供府帳。或供廐庫。或遣使命。或待賓客。皆無自費。取給於民。又復多遣將軍。稱為過防。奸盜不止。暴掠繁多。或求供設。或責脚步。又行奴縱。更相枉逼。良人命盡。富室財殫。此為怨酷。非止一事。亦頻禁絕。猶自未已。外司明加聽採。隨事奉奏。

^{二一六}冬十一月。益州刺史武陵王紀進號征西將軍。開府儀同三司。

是歲東魏武定元年。

^{二一六}十年春正月。李賁竊號於交趾。年號天德。

^{二一七}三國典畧曰。賁建雙閣。立二十四鎮。郡縣。

^{二一七}壬寅。於皇基寺設法會。詔賜蘭陵老少位一階。并加頒賚。

梁書載詔曰。朕達桑梓五十餘載。乃眷顧三。靡日不思。今四方款關。海外有截。始獲展敬園陵。但增感恻。故鄉老少。接踵遠至。情親孜孜。若歸於父。宜有以慰其此心。

(一)

空

二一六
庚戌幸回賓亭、宴帝鄉故老及所經近縣奉迎候者、少長數千人、
各資錢二千。

隋書五行志曰：是年三月，梁武帝幸朱方，至四壑中，及玄武湖，魚皆駭首，若望乘輿。帝入宮，乃沒。

二一七
十一年春正月，宴華林園光嚴殿，重雲閣。帝自貶拜謝上天，累刻乃止。

隋書五行志曰：是年正月，送邪僻二於建陵，左双角者至陵所，右獨角者將引於車，振耀者三，車兩轅俱折，因易車，未至陵二里，又躍者三，每一振，車刺人，莫不聳奮在地，三四尺，車輪陷入土三寸，識者以右為陰，且象乃侯景將為變之應。

二一八
三月乙巳，大赦。庚戌，幸同泰寺，講金字三慧經，仍施身。三國典略曰：癸卯詔，以今月八日，於同泰寺設無遮大會，朕捨身及宮人并所至境上，供養三寶。

二二二
月中再設淨饌。每至展拜。涕泗滂沱。哀動左右。

佛戒曰。帝自膺運後。深念度隆早頌。雖富有四海。無由得伸。周極。故思釋典。以八部般若為心。良田收采眾經。躬述注解。親臨法坐。講讀。用此善因。崇律靈識。又頻代二皇捨身為僧。結使先濯煩穢。仰資冥福。又曰。帝於中宮起至敬殿。景陽樓。上七廟室。甚壯麗。設二皇坐俱備。諸祀冠裳。匱舉目興慕。新奇芬香。應時自薦。又曰。雖極工匠之巧。水石周流。華樹雜沓。限以國務。不獲旦晚侍食。惟朔望親奉饋奠。而無所瞻仰。內心崩潰如灼。又作聯珠五十首。及孝思賦。以明孝道。資治通鑑曰。帝為文帝作皇基寺。追福。命有司求良材。曲阿弘氏自湘州置巨財。東下南津。校尉孟少卿欲媚帝。誣弘氏為叔。殺之。沒其材為寺。

顏氏家訓曰。江左朝臣子孫。初釋服朝見。皆當泣涕。帝每為

改容頗有膚色充澤無哀感者帝薄其為人每多抑退
少而為學能事畢究雖萬機多務猶卷不輟手然燭側光常至戊
夜

高祖逸事曰高祖聰明文思旁求儒雅昭昭採人文章之盛
煥乎俱集每所御幸輒命羣臣賦詩善者賜以金帛
梁書曰帝天性睿敏下筆成章十賦百詩直疏便就皆文質
彬彬超邁今古

二二二
六藝備閑暴登逸品陰陽緯候卜筮占決草隸尺牘騎射莫不稱
妙

資治通鑑曰帝素善鍾律欲釐正雅樂乃自制四器名為通
每通施三絃黃鍾絃用二百七十絃長九尺應鍾絃用一百
四十絃長四尺七寸四分差強中間十律以是為差因以通
聲轉推月氣悉無差違而還得相中又制十二笛黃鍾笛長

三尺八寸應鍾苗長二尺三寸中間十律以是為差以寓通聲欽古鍾五律並皆不差於是被以八音施以七聲莫不和韻先是宮懸上有四鐃鍾謀以編鍾編凡十六虎十六虛帝始命設十二鐃鍾各有編鍾編磬三十六之度而去衛鍾四隅植建鼓

^{二二三}晚乃溺信佛道日止一食膳無鮮腍惟豆羹鵝飯而已

賈長房三寶記曰蜀獻蒟蒻噉之覺美曰典肉何異恢復禁之

^{二二三}自五十外便斷房室後宮職司貴妃以下六宮祿祿三翟之外皆衣不曳地傍無錦綺

梁武帝集載教遣後宮詔曰宋氏以來並恣淫侈傾宮之富遂盈數千推算五都愁窮四海撫弦命管良象不被蠲織室繡房出厄猶見役弊國傷民莫此為甚凡後宮樂府而解暴

室諸如此例一皆放遣。
每^二決^二死罪常有哀矜涕泣然後可奏。

三寶記曰武帝流恩獄事多所寬恕其應罪重憲者焚香念佛然後下教。

資治通鑑曰時王侯子弟多驕不法工平老又專精法戒或謀事事覺亦泣宥之由是王侯益橫或曰晝殺人于市或暮夜剽劫有罪亡命者匿於王家有司不敢搜捕帝深知其弊溺于慈愛不能禁也。

疾^二久^二口苦索蜜不得再曰荷荷遂萌。

張敞頌六朝事達曰景以虛器進膳自庚辰至丙戌七日不

食荷。

賊^二祕^二之。

太子問起居不得見慟于閣下。

資治通鑑曰太子嗚咽流涕不敢泄聲既而發喪。

然先王文武遞用德刑備奉方之水火取法陰陽為國之道不可獨任而帝留心俎豆忘情干戚弱於釋教弛於刑典

資治通鑑曰帝教睦九族優借朝士有犯罪者皆屈法中之百姓有罪則棄之如法其緣坐則老幼不免一人逃亡舉家質足民既窮窘奸宄益深嘗因郊祀有秣陵老人遮車罵言曰陛下為法急於庶民緩於權貴非長久之道誠能反是天下幸甚帝于是思有以寬之詔自今適謫之家及罪應質作若年有老者可停將送

通鑑考異曰所謂寬民者如此而已而不能繩權貴以法是以知梁政之亂也

追^{二二六}限^{二二六}徐偃之仁以致窮門之酷可為深痛可為至戒者乎

唐朱敬則論曰梁武帝雖化末道而時亦云小康若尋其德音討其風俗尚根淺易拔源涸難流且兵荒義旗戰稱伐罪

勝非己利功豈己私成湯有泉德去道近也周武無愧谷其私厚也昔魏武兵鋒無敵神機獨行大戰五十六九州靜七八猶翼戴弱主尊獎漢室降及宋高剪平偽孽安復王家然更懸兵四獄決勝五湖北靜燕塵西清秦寇宏敷不讓威德見推晉帝今日之事本所甘心義士猶或非之况梁取天下又甚于斯南康主盟實稱齊帝奉之以成大順承之以勳義兵國步既寧家怨又雪君稱主祭臣復何猜惜人之名而不復命何也尋其錫文考其謙讓事同對面理非飾詞寧知悠悠江山相去千里矯情偽迹頓至于斯欲令節義行于比屋其可得乎夫君人者日月齊其明江海同其量未有節智驚愚術才感眾較武力于羊侃示腰腹於賀深商略儒宗取異干章聞變置官品無求于典實每事皆欲先人所唱復須稱贊父子注君制且歌受佞無厭進謠不卷浮華道長輕薄路

開以天譴為嘉祥用妖怪為休証聚斂俱極賞罰無章有識
為之寒心羣寮曾不先覺若言但是神物何須下殿走乎若
云負重領休何勞贖乎若言息人自務何須納叛臣乎若
云各代有時何須中許和乎然則侯景之兵我人仗我器豈
異術哉由上失教也君父幽辱宗廟傾危帝子王孫跨州連
郡未有肯鄭齊心平虛合契五侯九伯裂海分山未聞巾已
肯頓哭秦庭茅夷鴟鵂吳國戶口徒眾不覩死戰之人龍
過雖多寧有報恩之士江准無波瀾之阻城闕純藩離之固
可不慎歟或問曰梁武不以黃屋為尊紫宸為貴雖欲絕愛
遣色歸空享國五十若登春臺忽竊旅叛臣世戰格鬪兵折
意窮忿毒而沒善不可恃岐路何歸君子曰梁主之美誠如
子言然其暮年荒誕實甚殫守縣之力不免自縱之資盡丁
口之租纔足緇衣之費昔夏桀以九州之富秦皇以六合之

導造瓊室而天下土崩作阿房而震中瓦解况地比一郡國
乃三分外有征戍之勤內有彫靡之弊加以金剝寶柱燔燬
雲霞銀榜珠簾的皪星月神怒人怨禍積患生有以夫且夫
惡於魏而保於我何補也得一夫而亡一國非智也昔趙納
馮亭有長平之禍梁受侯景成永福之災金甌忽傷悔之何
及

何元之梁典曰自五胡競逐晉室東徙權寓江濱遂淹時代
桓戍燕秦而不振劉克王洛而遂亡至于宗齊疆場侵戡武
帝躡斯頽運有志吞并然亦納魏主一人洛陽竟無所成得
不補失民既勞止况可小康昔勾踐欲滅吳前為之政兵強
國富然後用之一舉而夫差再舉霸中國武帝進不擇將退
不教民雖慕古人安能有濟且國有累卵之憂俗有土崩之
勢同幸人之北北亂人之心遂使侯景被吾甲而寇王城驅

我人而國天闕勢如破竹易若轉圜萬萬縻沸四方瓦解社稷淪胥龜玉毀棄事非一夕其所由來漸矣

欽定四庫全書

南北史合注卷八

明 李清 撰

南史八

太子輔義王綱字世讚小字六通武帝第三子昭
顯陽殿五年封

晉安王晉通四年累遷都督雍州刺史中太通三年被

徵入朝未至昭明太子謂左右曰我夢與晉王對奕擾

道我授以班劍王還當有此加乎四月太子貴亮五月丙申立王為皇太子

梁書載詔曰非至公無以王天下非博愛無以臨四海所以堯舜克讓惟德是興文王舍伯邑考而立武王今天步艱難黎民自艾自非克明克哲允文允武豈得荷神器之重其立晉安王綱為皇太子

七月乙亥臨軒策拜以修繕東宮權居東府四年九月移遷東宮太清三年臺城陷太子坐永福省見侯景神

色花若無懼容五年^月丙辰武帝崩辛巳太子即皇帝位
大赦

梁書載詔曰諸州見在北人為奴婢者并及妻兒悉
可原放 梁簡文帝集載詔曰朕以寡昧哀號孔棘
僂倪視陰企承鴻緒方當玄嘿在窮栖心事外即王
道未直天步猶艱式憑宰輔以弘庶政大赦云云

癸未追遵穆貴嬪為皇太子^后追諡妃王氏為簡王后六
月丙戌以南康王會理為司空丁亥立宣城王大器為

皇太子壬辰立當陽公大心為尋陽王石城公大欵為江夏王寧公公大臨為南海王臨城公大連為南郡王西豐公大春為安陸王新塗公大成為山陽王臨湘公大封為宜都王高唐公大莊為新興王秋七月甲寅廣州刺史元景仲謀應侯景西江督護陳霸先攻之景仲自殺霸先迎定州刺史蕭勃為刺史唐午以司空南康王會理為兼尚書令是月九江大饑民相食者十四五八月癸卯征東大將軍開府儀同三司南徐州刺史蕭

藻卒丙午侯景矯詔儀同三司位比王公自今悉不加將軍以為定準冬十月丁未地震是月百濟國遣使朝貢見城寺荒蕪哭於闕下

大寶元年春正月辛亥朔大赦改元丁巳天雨黃沙已未西魏克安陳陸執司州刺史柳仲禮盡有漢東地丙寅月晝見于東方癸酉前江都令祖皓起義兵于廣陵二月癸未侯景攻下廣陵皓見害乙巳以尚書僕射王克為左僕射丙午侯景逼帝幸西州夏五月丙辰東魏孝

靜帝遜位于齊庚午開府儀同三司鄱陽王範亮自春
迄夏大旱民相食都下尤甚六月庚子前司州刺史羊
鴉仁自尚書省出奔江陵秋七月戊辰賊行臺任約寇
江州刺史尋陽王大心以州降之八月甲午湘東王繹
遣領軍將軍王僧辯逼郢州邵陵王綸棄郢州走九月
乙亥侯景自進位相國封二十郡為漢王冬十月乙未
景又逼帝辛酉州曲宴自如宇宙大將軍都督六合諸
軍事立皇太子鈞為西陽王大威為武寧王大球為建

安王大昕為義安王大棼為綏建王大圉為樂梁王士
寅侯景害可空南康王會理十一月任約進據西陽分
兵寇齊昌執衡陽王獻送都下害之湘東王緝遣前寧
州刺史徐文盛拒約南郡王前中兵參軍張彪起義於
會稽若邪山破浙東諸路

是歲齊文宣帝天寶元年

二年春正月邵陵王綸走至安陸董城為魏所攻見殺
三月

梁書載侯景西寇丁未發京師自石頭至新林舳舻相接
庚戌魏文帝殂夏閏四月侯景圍巴陵

梁書載五月癸未湘東王繹追遣胡僧祐陸法和等救
巴陵景遣任約來拒

六月

梁書載甲辰僧祐等擊擒任約

乙巳解圍宵遁王僧辯等督衆追景

梁書載六月辛酉鄱陽王故將王瑱起兵襲偽儀同

於慶慶敗走

秋七月景遷還至建鄴八月

梁書載丙午晉熙人至僧振鄭寵起兵襲郡城偽晉
州刺史夏侯威儀同任延退走

戊午景遣偽衛尉卿彭偽廂公王僧貴入尉殿發帝為晉
安王害皇太子大器尋陽王大心西陽王大鈞武寧王
大威建安王大球義安王大昕及尋陽王諸子二十餘
人注矯帝詔以為次當支庶宜歸正嫡禪位于豫章王棟

使呂季畧送詔逼帝書之帝書至先皇念神罷之重恩
社稷之因國越升非次遂至震方鳴咽不能自止賊衆皆
掩泣乃幽帝永福省使害南海王大臨于吳郡南郡王
大連於姑熟安陸于大春於會稽新興王大莊于京口
冬十月壬寅侯景殺帝崩

朝野僉載曰簡文之生僧寶誌謂武帝曰此子與兒
家同日生其年景生于雁門

時年四十九偽謚明皇帝廟號高宗明年三月己丑王

僧辯平景侯率百官奉梓宮升朝堂孝元帝追宗為簡
文王帝廟號太宗四月乙丑葬莊陵帝幼而聰睿六歲
便能屬文武帝弗之信于前面試帝攬筆立成武帝歎
曰常以東阿為虛今信矣及長器宇寬宏未嘗見喜愠
色尊嚴若神方頤豐下鬚鬚如畫直髮委地雙眉翠色
頂毛左旋連錢八背手執玉如意不相分辨眄來側目
光燭人讀書十行俱下辭藻艷發

梁書曰九流百氏經目心記篇章辭賦操筆立成

博綜羣書善談立理自十一便能親庶務厯試藩政所
在稱美性恭孝居穆賁嬪憂哀恤骨立所坐席霑濕盡
爛在襄陽拜表侵魏遣長吏柳津振遠將軍曹義宗等
進軍克南陽新野等郡拓地千餘里及居鹽_鹽撫多所宏
宥文案簿領纖毫必察宏納文學之士賞接無倦嘗於
玄圃述武帝所製五經講疏聽者傾朝野雅好賦詩其
自序云七歲有詩_詩僻長而不倦然文傷輕靡時號宮體
所著昭明太子傳五卷諸王傳三十卷禮大義二十卷

長春義記一百卷法寶連璧三百卷謝客文經渭三百

馬王簡五十五卷先明詩十卷易林十七卷

長樂譜一卷棊品五卷陸棊譜一十七卷杜經二卷沐

浴經三卷馬棊譜一卷棊品五卷彈棊譜一卷新增白

澤圖五卷如意方十卷文集一百卷並行於世初即位

制年號將曰文明以外強臣取周易內文明而外柔順

之義恐則賊覺乃改大寶路雞在蒙座尚引諸儒論道說

義披尋文史未嘗暫釋及見南康王會理遇害知不允

指所居殿謂舍人殷不害曰麗涓死此下又曰吾昨夢

吞土試思之不害曰昔重耳醜塊卒反晉國陛下所夢
將符是乎帝曰倘幽冥有徵冀斯言不妄初景納帝女
漂陽公主有美色景惑之放於政事王偉每以為言景
以告主主出惡言偉之懼見讒乃修廢帝帝而後問主
苦勸行弑以絕衆心廢後王偉與彭儁王修纂進觴曰
丞相以陛下幽憂既允使臣上壽帝笑曰已禪帝位何
得言陛下此壽酒將不盡此乎儁等復齋酒殺曲項琵琶
與帝極飲帝知將見弑乃盡歡謂曰不圖為樂一至

於斯既醉而寢偉乃出僦進土囊王修纂坐其上乃崩
竟協于夢偉撤戶扉為柩遷殯於城北酒庫中帝自幽
紼後賊撤內外侍衛使突騎圍守牆垣悉有枳棘無復
紙乃書壁及板郭為文自序云有梁正士蘭陵蕭世讚
立身行道終始如一風雨如晦雞鳴不已弗欺暗室豈
況三光數至于此命也如何又為文數百篇崩後王偉
觀之惡其辭切使括去有隨偉入者誦其聯珠三首
三國典畧所載聯珠有麟出而悲豈惟孔子達窮則

慟寧止嗣宗尤為悽愴

詩四篇絕句五篇文並悽愴云

少帝諱棟字元吉昭明太子嫡孫豫章王歡子也歡薨
襲封侯景廢簡文帝奉以為主時王方與妃之張鋤葵
而法駕奄至王驚不知所為泣而秉輦

天正元年即簡文帝大寶二年也八月壬戌王即皇帝
位大赦改元丙寅追尊皇祖昭明太子為昭明皇帝皇
祖妣金華敬妃蔡氏為敬皇后皇老務章安王曰安皇

帝尊皇妃太妃王氏為皇太后立妃張氏為皇后以劉
神茂為司空冬十月壬寅侯景弑簡文帝十一月己卯
加侯景九錫封漢王漢國置丞相以下官景尋篡位偽
封帝為淮陰王孝元承聖元年二月王僧辯等大敗侯
景兵景遁孝元弑帝崩初帝之即位升武德殿欲有迴
風從地涌起翻飛華蓋徑出端門識者知其不終及為
景所廢與二王弟橋樛皆鎖于密室景敗兄弟相扶出
逢杜顗於道去其鎖二弟曰今日免橫死矣帝曰倚扶

難知吾猶懼有尋為宣猛將軍朱買臣所害初王僧辯
為督都將發諮孝元曰平賊之後嗣君萬福未審有何
儀注孝元曰六門之內自極兵威僧辯曰平賊之後臣
為已任成濟之役請別舉人乃別敕買臣使行忍哭會簡
簡文已被害帝及二弟遇買臣呼登舟共飲未竟並沈
於水

愚按侯景推少主棟與爾朱兆推廢主粲朱溫推昭
宣帝同然粲支庶昭宣幼子而棟正嫡不黜粲與昭

宣獨黜棟耶若云景賊臣應黜其所樹則兆溫為賊
臣與景又何殊故宋呂祖謙標目與明王諱大事記
皆于棟立後時記元天正紹簡文大寶而孝元之承
聖始繼於此所以特為棟立記以少帝題也雖然不
獨兩賢王僧辯不又云乎嗣君祀福君呼而帝紀定
定矣

世祖孝元皇帝諱繹字世誠小字七符武帝第七子初
武帝夢眇目僧執香爐稱託生王宮已母祖母在采女

次侍始窰戶幔有風迴裾帝帝意感幸之采女夢月豚
惟中遂孕天監七年八月丁巳生世祖舉室中非常香
有紫袍之異武帝竒之賜采女姓阮進修容十三年封
湘東王太清元年累遷為征西將軍都督荊州刺史三
年三月侯景陷建鄴四月世子方等至自建鄴知臺城
不失王命柵江陵城周回七十里鎮西長史王冲等拜
牋為請太尉都督中外諸軍事承制主盟王不許曰吾
於天下不賤寧俟都督之名帝子之尊何藉上台之位

議者可斬投筆流淚沖等重請不從又請為司空以主
諸侯亦弗聽乃開鎮西府辟天下是時月王徵兵於湘
州刺史河東王譽譽拒命尋上甲侯詔自建封至宣二
月十五日密詔授王位假黃錢大都督中外諸軍自司
徒司承制於是立行臺于南郡置官司七月遣世子方
等討河東王譽軍敗死之又遣鎮兵將軍鮑泉討譽九
月乙卯雍州刺史岳陽王譽舉兵攻江陵其將杜崩兄
弟來降譽遁鮑泉攻湘州未克又遣左衛將軍王僧辯

代將及簡文帝即位改元大寶王以帝制于賊臣卒不
遵用

梁書曰猶稱太清四年

正月使少子方畧質于魏魏不受質結為兄弟四月福
湘州斬譽湘州平雍刺史岳陽王譽自稱梁王王稱藩
於魏魏遣兵助我襄陽先是邵陵王論書至已言武帝
凶問秘之以待川州之捷是月壬寅始命陳瑩報崩問
王哭于正寢六月江夏王大欵山陽王大成宜都王大

封自信安來奔九月辛酉以前郢州刺史南平王恪為
中衛將軍尚書令開府儀同三司改封大欸臨川王大
成桂陽王大封汝南王十一月甲子南平王恪等奉牋
進相相國總百揆

梁書載牋曰殿下志存社稷功濟屯險枕干泣血投
袂勤王今海水飛雲崑山起燎陽臺之下獨有冠蓋
相趨夢水之傍尚致車輿結轍趕麥兩穗出於南平
之邦甘露泥枝降乎當陽之境野蠶自績何謝歐絲

閑田生稻寧如雨粟豈可徽號不彰於彞典明試不
陳乎車服者哉恪等稽尋甲今博詢惇史謹再拜上
進位相國摠百揆杖金釜以翦逆暴乘玉輅而定社
稷扶危翼治豈不休哉

王不從

梁書載令曰數鍾陽九時惟百六鯨鯢未翦寤寐痛
心傳稱皆讓象著鳴謙瞻言前典再懷哽噎

二年

梁書曰猶稱太清五年二月己亥魏遣使來聘

三月侯景悉兵西上閏四月景遣其將宋子仙任約襲
郢州執刺史方諸庾戍領軍王僧辯屯師巴陵五月癸
未王遣將胡僧佑陸法和援巴陵六月僧祐等擊破景
將任約軍擒約景解圍宵遁以王僧辯為征東將軍開
府儀同三司尚書令帥衆追景所至皆捷進圍郢州獲
賊將軍宋子仙等八月侯景廢簡文帝立少主棟九月
盤盭國獻馴象十月辛丑朔索雲如蓋臨江陵城是月

簡文帝遇弒開府儀同三司王僧辯等奉表勸進

梁書載表曰衆軍薄伐塗次九水即日獲臨城縣使人報稱侯景弒逆皇帝賊害太子宗室在寇庭者並罹禍酷六軍慟哭三辰改曜哀我皇極四海崩心軒轅得姓存者二人高祖五王代實居長非奉脛明誰嗣下武勞不勞宗正有奉八百始可同期即可居尊西向無所讓德四方既然有奉八百始可同期殘寇潛居麗藏社稷處斬莽輓車繞卓市廓清函夏正爲

瑩陵開雪宮閣庶存鐘鼎

王奉諱大臨三日百官縞素答表不許

梁書載答曰孤枕戈飲膽扣心泣血甫聞伯升之禍
彌切仲謀之悲景侯項籍也蕭棟殷辛也赤泉未賞
劉邦尚白艱王白旗弗懸周發猶稱太子虜公卿士
其諭孤志 愚按少帝棟何罪乃曰殷辛弑端見矣
空南平王恪率宗室領軍將軍胡僧祐率羣僚江
州別駕張佚率吏民並奉牋勸進王固讓十一月乙

金
亥僧辯又奉表勸進

梁書載表曰日者公卿失馭禍經霄極侯景憑陵姦
臣互起率戎伐額無處不然勸明誅晉創足皆爾中
朝人士相顧啣悲涼州義徒東望隕涕慄慄黔首將
欲安歸社稷不隊緊在聖明今也何時而申帝啟之
避凶危若此方陳泰伯之辭天下者高祖之天下陸
下者萬國之歡心萬國豈可無君高祖豈可廢祀目
下飛鱸巨艦竟水浮州鐵馬銀鞍陵山跨谷英傑接

踵忠勇相顧所待陛下昭告后土虔奉上帝廣發明
詔師出以名便當盡寇司之威窮蚩尤之伐執石趙
而求璽斬姚秦而取鐘修掃瑩陵奉迎宗廟豈得不
仰存國計俯從民情臣等或世受朝恩或身荷重遇
同休等戚自國刑家苟有腸心敢以死奮
又不從

梁書載荅曰孤遭家多難大恥未雪國則則蚩尤弗
翦同姓則有扈不賓卧而思之坐以待旦一戎既定

罪人斯得祀夏配天方申來議

時臣寇尚存王未欲即位而四方表勸前後相屬乃下令斷表

梁書載是月賊司徒東南道行臺劉神茂率儀同劉歸義留異奉表請降

承聖九年

梁書載正月下令曰時惟星鳥表年東于東秩春紀宿龍歌歲取於東峻况三農務業尚看天桃敷水四

人有令猶及落杏飛花寧可畧此玄苗坐殮紅粒不
植薦領空侯蟬鳴可悉深耕溉種安堵復業無棄民
力並分地利班勒州郡悉使遵承

二月王僧勳衆軍發自尋陽王馳檄四方購獲景以逆
之者封戶開國公絹布五萬疋

梁書載檄曰賊臣侯景奴奴叛臣鳴鏑餘燄懸孤空
城本非國寶壽春畿要賞不踰月敢興逆亂梗我王
畿賊臣正德阻兵安忍日者結怨江茅遠適單于簡

續屢彰聚斂無度為虎傅翼遠相招遠我是以董率
梟獍躬擐甲冑凶醜畏威委命下吏乞活淮淝苟存
徐袞渙汗既行定論爰被我是以班師凱歸休牛息
馬賊又不悛遂復矢流王屋兵經象魏坐召憲司卧
制朝宰矯託天命偽作符書老弱波流士女塗炭藏
獲之人五宗及賞緡紳之士三族見誅穀粟騰路自
相吞噬慄慄黔首路有銜索之哀蠢蠢黎民家有隕
山之泣偃師南望無復儲胥露寒河陽北臨或有字

盧種帳南山之竹未足言其愆西山之兔不言書其
罪外監陳瑩之至伏承先帝登遐宮車晏駕奉諱驚
號五內摧裂景阻飢既甚民且狼顧之侵佚我彭蠡
憑陵我郢邑竊據我江夏掩襲我巴邱我是以義勇
爭先忠貞盡力斬馘凶渠不可稱其侯景奔竄十竄
爭穴計窮力屈反裁後皇畢原鄭鄩並罹禍患凡蔣
邢茅皆伏斧鑕是可忍也孰不可忍幕府據有上流
實惟分陝投袂荷戈志在畢命昔周依晉鄭漢有虛

年彼惟未屬猶能如此況聯華日月天下不賤為臣
為子兼國兼家者哉咸以義旗既建宜須摠一共推
幕府實用主盟遠惟國艱不遑寧處長戟百萬天馬
千羣風駭雷震之指逮鄴夷山殄谷充原蔽野以此
衆戰誰能禦之脫復蜂蟄若毒獸窮則闕謂山蓋高
則四郊多壘謂地蓋遠則三千弗遑如彼怒蛙譬諸
鼯鼠豈費萬鈞無勞百鎰今遣大都督征東將軍王
僧辯率衆十萬直掃金陵鳴鼓聒天縱金震地計其

同惡不盈一旅君子在野小人比周喉春長狄頸繫
郅支質鐵所誅止景而已黎元何辜一無所問諸君
武世樹忠貞或羽儀鼎族俛首稱監無由自効豈不
下慚泉壤上愧皇天失忠與義難以自立想誠南風
乃眷西顧因變立功轉禍為福有能縛侯景及送首
者封萬戶開國公絹布五萬疋有能率動義衆以應
官軍保全城邑不為賊用並裂山河以紆青紫若執
迷不反推逆王師大軍一臨刑茲罔赦檄布遠近咸

欽定四庫全書

卷八

使知聞

三月僧辯等平侯景傳首江陵戊子以賊平告明堂太社已丑僧辯等又表勸進曰衆軍以今月戊子摠集建康賊景烏伏獸窮頻擊頻挫姦竭詐盡深溝自固臣等分勤武族百道同趨突騎短兵犀函鐵楯結隊千郡持戟百萬止紂七步圍項三重轟然大潰羣凶四滅京師少長俱稱萬歲長安酒食於此價高九縣雲開六合清郎矧伊黔首誰不載躍臣等輒依故實奉修社廟使者

持節分告園陵嗣後升遐龍輅未殯承華掩曜梓宮莫
測並即隨由備辦禮具凶荒四海同哀六軍袒哭聖情
孝友理當感動日者百司岳牧仰祈宸覽以錫圭之功
既歸有道當璧之有允屬聖明而優詔謙冲杳然凝邈
昔越人固執熏丹穴以求君周人樂推踰岐山而事主
伊此儻來豈聖人所欲帝皇所應不獲已而然陛下忠
為令德孝實動天地維絕而重紐天柱傾而更植猶欲
拂袵衣而遊廣城登嶠山而去東土羣臣安得仰訴北

庶何所歸仁況舊拜凱復函洛已平高奴櫟陽宮館雖
毀濁河清渭佳氣猶存博士捧圖書而稍還太常定禮
儀已立立豈得不清揚警而赴名都具玉鑒而旋正寢
昔東周既遷鎬金遂其不復長安一亂郊洛永以為居
夏后以萬國朝諸侯文王以六州匡天下方之跡基百
里劒長三尺以殘楚之地抗拒六戎一旅之卒翦夸三
叛垣然大定御辯東歸緬求前古其可得與對揚天命
無所讓德王尚未從

梁書載王答曰今淮南長鯨雖云授首襄陽短狐未
嘗勒而平平燭玉光乃議之

辛卯扶少主棟及其二弟橋樛四月乙巳益州刺史新
除假黃釜太尉武陵王紀稱皇帝于蜀年號天正王遣
兼司空蕭泰祠部尚書樂子雲拜謁瑩陵修復社廟丁
巳下令解嚴

梁書載令曰今凶醜殲夷四海人安儀官威儀方陳
盛禮衛多君子寄是式瞻便可解嚴以時宣勒

五月庚午司空南平王恪及宗室王侯大都督王僧辯
等復拜表上尊王王猶固讓甲申以開府儀同三司江
州刺史王僧辯為司徒乙酉斬賊左僕射王偉尚書呂
季畧少府卿周石珍舍人嚴亶於江陵市乃下令赦境
內

梁書載令曰元惡稽誅本屬侯景王偉是其心膂周
石珍負背恩義今並烹諸鼎毀肆之市野衣冠舊貴
被逼偷生猛士勦豪和光苟免凡諸惡侶諒非一族

今特聞以王澤削以刑書

齊將潘樂辛術等攻秦郡王僧辯遣將杜顗帥眾拒之
以陳霸先為征北大將軍開府儀同三司徐州刺史齊
人賀平侯景

梁書載魏賀不知孰是

八月武陵王紀率眾東下遣獲軍將軍陸法和屯巴峽
拒之九月甲戌司空南平王恪薨十月乙未前梁州刺
史蕭循自魏至江陵以為平北將軍開府儀同三司戊

申執湘州刺史王琳于殿內庚戌琳長史陸及其其將
潘鳥累等舉兵攻陷湘州是月四方征鎮王公卿士復
勸進表三上乃許之冬十一月丙子皇帝即位于江陵
改太清六年為承聖元年連租宿責並許弘宥孝子順
孫悉皆贖爵長徒鎖士特加原宥禁錮奪勞一皆贖蕩
是日帝不升正殿公卿倍立而已時有兩目俱有已卯
立王太子方矩為皇太子改名元良立皇子方智為晉
安王方畧為始安王追尊所生姚陸修容為文宣太后

尊母豈可在立子後此亦孝元亡國一節

改諡忠莊太子為武烈太子封武立子莊為永嘉王是
月陸納遣將軍潘烏累等破荊州刺史丁道貴于錄口
道貴走零陵十二月陸納分兵襲巴陵相州刺史蕭循
擊走之天門山獲野人出山三日死星隕吳郡淮南有
野象數百壞人室廬宣城郡猛虎暴食人是歲魏廢帝
元年

二年春正月乙丑詔王僧辯討陸納戊寅以吏部尚書

王褒為尚書僕射穀穀為吏部尚書已卯江夏宮南門
簷杜飛

冊府元龜載二月唐午詔曰食乃民天農為治本是
以稼穡為寶周頌嘉其樂音禾麥不成魯史書之方
冊秦人有耕力之科漢世有屯田之利頃歲屯否干
戈不戢廣田之利無聞于郡國載師之職有陋于官
方今元惡殄殲海內方一一厘曠務勞心日昃一夫
廢業畝畝無遺其力田之身在所蠲免外即宣勅以

稱朕意

三月庚寅有兩龍見湘州西江夏五月甲申魏大將尉遲迥進兵逼巴西潼州刺史楊乾運以城納迥己丑武陵王紀軍至西陵六月乙卯王僧辯平湘州秋七月武陵王紀衆大潰殺之八月戊戌魏尉遲迥平蜀

梁書載庾子詔曰頃戎旃旣息閭柝無警去魯興歎有感霄分過沛隕涕實勞多寐宜從青蓋之典言歸泉水之鄉江陵尉輸方舩連軸巴峽舟楫精甲百萬

先次建鄴行實京師然後六軍遄正九旗揚旆主者
評依舊典以時宣勒

九月齊遣郭建元及荷利景遠步大汗薩東方老帥衆
頓合淝冬十二月辛丑僧辯留鎮姑熟豫州刺史侯瑱
據東閭壘徵吳興太守裴之橫師衆繼之戊戌以尚書
僕射王褒為左僕射湘東太守張綰為右僕射十二月
宿豫土人東方光據城歸齊江西州郡皆起兵應之

三年春正月魏帝為相宇文泰所廢而立齊王郭是為

恭帝元年三月主衣庫見衣蛇長大許數十小蛇隨之
舉元高丈餘南望俄失所在帝又與宮人幸長州苑復
見大蛇盤曲于前羣小蛇隨之並黑色帝惡之宮人曰
此非怪也恐是錢龍帝敕所司即日取數千萬錢鎮於
蛇厭之因設法會赦囚徒振窮乏居栖心省又有蛇從
蛇從屋隊落帝帽上忽然便失又龍光殿上所御肩輿
復見小蛇縈屈輿中以頭駕夾膝前金龍頭上見人走
去逐之不見城壕中龍騰出煥爛五色竦踰入雲去七

小龍相隨飛去羣魚騰躍隊死于陸道龍處為窟若數
百斛圍舊大城上多有紫氣至時稍消歇甲辰以司徒
王僧辯為太尉車騎大將軍戊申以獲將軍以郢州刺
史陸和和為司徒夏四月癸酉以征北大將軍開府儀
同三司陳霸先為可空六月癸未黑氣如龍見殿內
隋書五行志曰黑乃周所尚色今見於殿內周師入
梁之象

秋九月辛卯帝於龍光殿述老子義先是魏使宇文仁

怒來聘

梁紀畧曰先是大寶元年西魏將楊忠逼荆鎮湘東王懼其至遣使搗軍已與忠結盟并與質子與魏約為兄弟聘使相望

齊使又至江陵帝接仁怒有關魏相安定公宇文泰憾焉乙巳使柱國于謹來攻冬十月丙寅魏軍至襄陽梁王蕭詧率眾會之丁卯停講內外戒嚴駕出行城柵大風披木丙子讀講百寮戒服以聽詔徵王僧辯

梁元帝集載敕曰黑獺盟盟忽便舉斧國家猛將多
在下流荆峽之中悉非頸勇宜率貔虎星夜就路倍
道兼行解倒懸也

十一月甲申幸津陽門講武置南北兩城主

三國典畧曰梁主閱戎津陽門外立三城南為吳地
北為鹵地城西北風甚急溥天昏暗旌旗乃靡乃移
軍渡南城吳軍渡北城以順風也

帝親觀閱風順摠集部分未定旗幟飄亂帝超駕而回

無復次序風雨隨息衆竊驚怪乙酉已領軍胡僧祐為
都督城東城北諸軍事右僕射張綰為副左僕射王褒
都督城西城南諸軍事直殿省元景亮為副

梁書載丙戌帝徧行都柵皇太子巡行城樓使居民
助運水石諸要害所並增兵備梁後畧曰上是長
沙寺移天居寺是日北軍射書城內言今者行兵不
貪城隍土地不貪子女玉帛志存救弊濟此生民梁
朝士庶尚未領解蟻聚窮城梁用怪惑

丁亥魏軍至柵下丙申徵廣州刺史王琳入援丁酉大風城內火焚居民數千家以為失在婦人斬首尸之是日帝猶賦詩無廢以胡僧祐為開府儀同三司庚子信州刺史徐世譜晉安王司馬任約軍次馬頭岸是夜有流星隊城中帝援箸筮之卦成取龜式驗之因抵於地曰吾若死此下豈非命乎因裂白為書催僧辯曰吾忍死待公可至矣戊申胡僧祐朱買臣等出戰買臣敗績辛亥魏軍大破帝出杜杞門親臨陣督戰僧祐中流失

辛軍敗反者斬西門首卒納魏軍

隋書刑法志曰梁元帝素苛刻及周師至獄中死囚數千有司請釋充戰士帝不許並令棒殺之事未行而城陷

帝見執

三國典畧曰魏大將于謹擒梁王令西至龍泉廟出河東武陵二王子孫于獄列于沙州鎖械屢酷瘡痍腐爛引梁主使視之謂曰此皆骨肉忍虐如此何以

為君梁主無以應

愚按二王子孫不知此時尚存

否然不可無快論

如梁王蕭譽營使鐵騎擁帝入宮囚于烏幔下甚見詰辱他日乃見魏僕射長孫儉譎儉云埋金千斤城內欲相贈儉乃將帝入城帝因述譽相辱伏謂儉曰向聊相譎欲言耳豈有天子自理金乎儉乃留帝于主衣庫十二月丙辰徐世譜任約退戎巴陵辛未魏人戕帝明年四月梁王方智承制退尊孝元皇帝廟號世祖帝聰悟

俊朗天才英發出言為御音響若鐘年六歲歲武帝常問所謂書對曰能誦曲禮武帝使誦之即誦上篇左右莫不驚歎

金樓子自序曰予六歲解為詩奉敕為詩曰池萍生已合林花發稍稠風入花枝動日照水光浮因而稍學為文也 顏氏家訓曰元帝常言年始十二便好學時患疥閉齋張葛幃避蠅猶坐率意讀書日二十卷既未師受或不識一字不解一語要自重之不知

厭倦

初生患眼醫療必增武帝自下意療之遂育一目乃憶
先夢彌加慙愛

太平廣記曰阮修容有一珠先帝幼吞之疑左右所
盜炙魚目厭之信宿間珠便出帝一目眇

及長好學博極羣書武帝嘗問曰孫策在江東年幾答
曰十七武帝曰正是汝年帝性不好聲色頗善高名為
荊州刺史起州學宣尼廟嘗儒林參軍一人勸之與從

事二人生三十人加稟錄帝工書善畫自圖宣尼像為
贊而書之時謂三絕與裴子野劉顯蕭子雲張鑽及當
時秀才為布衣交常自比諸葛亮桓溫惟鑽許焉性好
矯矯多猜忌於名無所假人微有勝已者必加毀害帝
姑義興昭長公主子王銓兄弟八九人有盛名帝妬其
才美遂改寵姬王氏兄弟珣名琳以同其父名忌劉之
遼學使人鴆之如此者甚衆雖骨肉亦徧被其禍始居
文宣太后優依丁蘭作木母及武帝崩秘喪逾年乃發

凶問方刻檀為像置于百福殿內事之甚

三國典畧曰江陵陷軍士剖分其香

朝夕進蔬食動靜必起聞迹其虛矯如此性愛書籍既患目多不自執卷置讀書左右番次上真晝夜無休已雖睡卷猶不釋五人各伺一更恒致達曉常眠熟大鼾左右猶睡讀失次第或偷卷度紙帝必驚覺更令追讀加以櫓楚雖戎畧殷湊機務繁多軍羽檄文文章詔誥點膏便就殆不游手常曰我韜于文士愧于武夫論者

以為得言

北夢瑣言曰元帝為湘東王時常記錄忠臣義士及文章之美者筆有三品或以金銀雕飾或用斑竹為管忠孝全者用金管書之德行清粹者用銀管書之文章瞻麗者以斑竹書之故湘東之譽振於江表

始在尋陽夢人曰天下將亂王必維之又背生黑子巫媼見曰此大貴不可言初武帝敕賀革為帝府諮議使講三禮革將西上意甚不悅遇別御史中丞江革革告

之曰吾嘗夢主上徧見諸子至湘東王脫帽授之後必
當璧卿其行乎革領之及太清之禍遂膺歸運自侯景
亂後州郡大半入魏從巴陵以下至建康以長江為限
荊州界北盡武寧西拒峽口自領以南復為蕭勃所據
文軌所同千里而近民戶著籍不盈三萬都荆所有盡
於是矣武陵平議者欲因其舟艦遷都建對宗慄黃羅
漢皆楚人不願移帝及胡僧祐亦俱未欲動僕射王褒
左民尚書周弘正驟言即楚非便宗慄及御史大夫劉

懿以為建鄴王氣已盡且渚宮州已有百乃留尋歲星
在井熒惑守心帝觀之慨然謂朝廷文武曰吾觀玄象
將恐有賊但吉凶在我運數由天避之何益及魏軍逼
關人朱買臣按劍進曰惟有斬宗懷黃羅漢可謝天下
帝曰曩實吾意宗黃何罪二人退入人中及魏人楚柵
買臣謝答二勸帝乘暗潰圍出就任約帝素不便馳馬
曰事必無成徒增辱耳答仁又求自扶寄以問僕射王
褒褒曰答仁侯景黨成彼之勳不如降也乃聚圖書十

餘萬卷盡火之答仁又請守收城收兵可得五千人帝然之即授城內大都潛以帝鼓給之配以公之旣又召王褒謀之以為不可答仁請入不得歐血去遂使皇太子王褒出質請降有頃黃門郎裴正犯門而出帝乘白馬素衣出東門抽劒擊闔曰蕭世誠一至此乎

資治通監曰魏軍士渡塹牽其轡至白馬寺北奪其所乘駿代之以騎馬遣長壯胡人手挽其臂而行遲于謹胡人牽帝使拜

魏師至二十八日徵兵四方未至而城陷在幽逼求酒
飲之製詩四首其一曰南風且絕唱西陵最可悲今日
還蒿里終卦封禪時其二曰人世逢百六天道異貞恒
何言異蟻螻一旦損鴟鵂其三曰松風侵曉哀霜露當
夜來寂寥千載後誰畏軒轅臺其四曰夜長無歲月安
知秋與春原陵五樹杏空得動耕人梁王營遺尚書傳
準監行刑帝謂之曰卿幸為我宣行準捧詩流淚不能
禁進士囊頌之舍使以布帊殮屍斂以蒲席以束白茅

以車一乘葬準陽門外愍懷太子元良及始安王方畧等皆見害徐世譜任約自馬頭走巴陵約後降于齊將軍裴畿畿弟機謝答士三人相抱俱見屠汝南王大封尚書左僕射王褒以下並俘歸長安乃選百姓男女數萬口分為奴婢盡皆殺之帝于伎術無術無所不該嘗不得南信筮之遇剝之良曰南信已至今當遣左右季心往視果如言賓客咸驚其妙凡所占決皆然初從劉景愛相術因信以年答曰未至五十當有小厄禳之可

免帝自勉曰苟有期會讓之何益及是四十七矣持多
禁忌牆壁崩倒屋宇傾頽年月不便終不修改庭草蕪
沒令鞭去之其慎獲如此著孝德傳忠臣傳谷三十卷
元帝集載忠臣傳序曰天地之大德曰生聖人之大
寶曰位因生所以盡孝因位所以立忠忠為令德竊
所景行且孝子烈女逸民亦有別傳至於忠臣曾無
無述製今將發篋陳書備加論討又孝德傳序曰天
地義聖人不加原始要終莫踰孝道能使甘泉自湧

鄴火不焚地出黃金天降神女感通之至良有可稱
丹陽尹傳十卷注漢書一百十五卷周易講花十卷內
典博要百卷連山三十卷詞林三卷玉韜金樓子補闕
子各十卷老子講疏四卷懷舊傳二卷古經全德志荆
南地記貢職圖古今同姓錄名一卷篋經十二卷式贊
三卷文集五十卷初承聖二年三月有二龍自南郡地
西升天士民聚觀五彩分明江陵故老竊相泣曰昔年
龍出建康淮西天下大亂今復有焉禍至無日矣帝聞

而惡之逾年遭禍又江陵先有九十九州古老相承云
州滿百當出天子桓玄為荊州刺史內懷篡逆乃還鑿
破一州以應百數隨崩散竟無所成宋文帝為宜都王
在藩自立自立依文帝篡統後遇元凶之禍此州還沒
太清末枝江楊之閣浦後生一州羣公上疏稱慶明年
帝即位承聖末其州與大岸相通惟九十九云

敬皇帝諱方智字慧相小字法真孝元字第九子太清
三年封興梁侯承聖元年封晉安王二年出為江州刺

史三年十一月魏克江陵太尉王僧辯司空陳霸先是
議以王為梁王太宰承制四年梁王謦稱皇帝於江陵
二月癸丑王自江州至建鄴入居朝堂以太尉王僧辯
為中書監錄尚書騎騎大將軍都督中外諸軍事加司
空陳霸先班劔二十人以湘州刺史蕭循為太尉廣州
刺史蕭勃為司徒三月齊遣其上黨王高渙送貞陽侯
蕭淵明來主梁嗣至東關遣吳興太守裴之橫渠之戰
敗死之四月司徒陸法和以郢州附齊遣江州刺史侯

瑱討之七月辛丑僧辯納貞陽侯蕭淵明自采石濟江
甲辰入建鄴丙午即為位年號天成以王為皇太子司
空陳霸先襲殺王僧辯淵明治而奉上

紹泰元年秋九月丙午即皇帝位冬十月己巳大赦改
元

梁書載詔曰王室不造嬰罹禍釁先帝梓宮播越非
所朕以荒幼仍屬艱難泣血枕戈志復讐迭大恥未
雪夙宵鯁情羣公卿尹勉以大義越咎寡闇庶傾憑

元靈旁資將相克清元惡謝寃陵寢

以貞陽侯淵明為司徒封建安郡公壬子加司徒陳霸
先尚書令都督中外諸軍事震州刺史杜龕舉兵攻信
武將軍陳舊於長城義興太守常載應之癸丑以太尉
循為太保司徒淵明為太傅司徒蕭勃為太尉鎮南將
軍王琳為車騎將軍開府儀同三司戊午尊所生夏貴
妃為皇太后立妃王氏為皇后辛未司空陳霸先東討
常載降之丙子南豫州刺史任約譙秦二州刺史徐嗣

徽舉兵據石頭反十一月唐辰齊州刺史史翟子崇楚
州刺史達摩率衆赴任約入石頭十二月庚戌任約徐
嗣徽等至采石迎齊援丙辰遣猛烈將軍侯安都邀擊
於江夏敗之約嗣徽等奔江西庚申翟子崇等降並放
還

是歲後梁宣帝天定元年

太平元年春正月戊寅大赦追贈謚簡文帝諸子封故
永安侯確子後為邵陵王奉携王後發未震州刺史杜

龔降詔賜死赦吳興郡己亥以太保宜豐侯蕭循襲封
鄱陽王東揚州史史張彪圍臨海太守王懷振於剡岩
二月庚戌遣周文育陳舊襲會稽討彪之敗走以中衛
將軍臨州王大款即本號開府儀同三司丙辰若耶村
人斬張彪傳首建鄴赦東揚州甲子以東土經杜龔張
彪亂遣太使巡省是月齊人來聘使侍中王廓報聘三
月壬午班下遠近並雜用古今錢戊戌齊將蕭軌出柵
口向梁山東霸先大敗之夏四月壬申侯安都輕兵襲

齊行臺司馬恭于厯陽大破之五月癸未太傅建安公
淵明薨於寅齊軍人步入丹陽縣

梁書載丙午齊軍至秣陵故治癸卯進據兜塘車駕
出頓趙建故籬門

内外築嚴六月壬子齊軍至玄武湖西北乙丑陳霸先
大破齊軍戊午大赦

梁書載軍士身隕戰場即遣劔祭其無家屬即為瘞
埋

辛酉解嚴秋七月丙子司空陳霸先進位司徒丁未以
開府儀同三司侯瑱為司徒八月己酉太保鄱陽王循
薨九月壬寅大赦改元司徒陳霸先進位丞相錄尚書
事改封義興郡公加中權將軍王冲開府儀同三司以
吏部尚書王通為尚書左僕射冬十月乙亥魏相安定
公宇文奉卒十一月起雲神神虎門十二月壬申進太
尉蕭勃為太保甲午封前壽昌令劉劼為汝陰王前鎮
西法曹行參軍蕭沆為巴陵王奉宋齊二代後庚子魏

恭帝遜位于周

二年春正月壬寅詔求魯國孔氏族為奉聖侯并繕廟
堂供備祀典

梁書載詔曰孔氏立忠立孝德被蒸民制禮作樂道
冠羣后雖泰山頽峻一簣不遺而泗水餘瀾千載猶
在自皇圖屯阻祝薦不修奉聖之門肩嗣殲滅敬神
之寢簠簋寂寥永言聲烈實無欽愴可搜舉魯國之
族以為奉聖侯并繕廟堂供備祀典四時薦秩一皆

遵舊

又詔諸州各置中正舊放舉選不得輒承單狀序官皆
須中正押上然後量授其選中正每求耆德該悉以他
官領之以開府儀同三司王琳為司空尚書右僕射王
通為左僕射二月庚午遣領軍將軍徐度入東關太保
廣州刺史蕭勃舉兵反詔平西將軍周文育平南將軍
侯安都等南討戊子徐度至合肥燒齊船三千艘癸未
周文育軍于巴山獲蕭勃偽師歐陽顥三月甲寅德州

刺史陳法武前衡州刺史譚遠攻殺蕭勃于始興夏四月癸酉赦江廣衡三州并督內為賊所拘逼迫已卯鑄錢一當二十齊遣使通和壬辰改四柱錢以錢一當十丙申復用細錢五月己巳平西將軍周文育進號鎮南將軍平南將軍侯安都進號鎮北將軍並開府儀同三司戊辰余孝頃遣使詣丞相府求降秋八月如丞相陳霸先殊禮九月周冢宰宇文獲弒孝閔帝丞相陳霸先改授相國封陳國公冬十月戊辰進陳國公爵為王

辛未帝遜位于陳陳主霸先奉帝為江陰王已遣劉師
知弒王于外郎詳見師知傳時年十八諡敬皇帝

愚按陳弒敬帝封蕭季卿為江陰王乃武帝弟鄱陽
王恢後已季卿罪廢不知嗣封之與為誰後疑亦疏
宗也至隋滅陳又除後梁始以梁武為之後見後梁
記

末主附

末主諱莊孝元皇帝嫡孫武烈世子方等子也承聖元

年封永嘉王魏克江陵年甫七歲為民家所匿

資治通鑑曰尼法慕匿之

後王琳迎送建鄴敬立立出質於齊太平二年敬帝遜
位於陳琳乃求援于齊且請王主梁祀齊許之冊拜琳
為梁丞相都督中外諸軍事王自溢城濟江

天啓元年春正月王即皇帝位于郢州大赦改元追諡
建安公淵明曰閔皇帝拜王琳為侍中大將軍中書監
餘依齊命摠軍國事四月陳主霸先弒江陰王

二年春三月遣使入貢於齊丞相王琳遣將雷文策襲殺後梁監利太守蔡大有冬十月丞相王琳奉主出屯濡須口十一月琳大敗陳明吳明徹引兵東下冬十月後梁畧取長沙武陵南平等郡

三年春三月周兵襲郢州丞相王琳與陳兵戰於蕪湖大敗走湓城尋奔齊先是琳使侍中袁泌御史中丞劉仲威侍衛主及琳敗左右皆散泌以輕舟送主達於齊境拜辭而還遂降陳仲威奉主奔壽陽遂入齊齊武平

元年授特進開府儀同三司封梁王許以與復竟不果而齊亡王在鄴飲氣而殂

不稱不何不成君也附帝紀何從何之元作梁典欲為莊立後嗣主紀旌王琳忠也或曰魏長廣王曄安定王朗之不得比莊何也曰有故魏有君復君故削而梁無君有君故推

論曰帝王之位天下之重職文武之道守聘所常遵其於行用義均水火相資則可專任成亂觀夫有梁諸帝

皆一之而以簡文明之姿稟乎天授粵自支庶入居明
明兩經國之等其道弗聞宮體所傳且變朝野雖主虛
號何救滅亡

豫章固係逆扶實出嫡系雖旋立旋廢可不曰君乎
元帝居勢勝之地啟中興之業既雪讎恥且應天人而
內接猜忍外崇矯飾攀號之節忍酷于踰年定省之制
申情于木偶

梁書曰梁季之禍巨寇憑壘世祖位長連率有金楚

之寶應身率羣后枕戈先路虛張外援事異勤王在
於行師曾非百舍

竟而雍州引寇釁起河東之戮蓋部親尋事習邵陵之
窘悖亂屈於僧辯殘雪極於圓正不義不匿若斯之甚
梁書曰御下無術履水不懼鳳闕司晨之功火無內
照之美

而復謀無經遠之心志大近捨宗國遠迫強隣外弛籬
籬內崇請肆率於溘至將隕方追始皇之迹雖復文籍

滿腹何救社廟之墟歷觀書契以來蓋亦廢興代有未
見三葉遘愍頓若蕭宗之酷敬皇以此冲年當斯額運
將不高揖其可得乎

永嘉名存實亡何言乎君聊表臣忠云耳

初武帝末年都下用錢每百皆除其九謂為九陌竟有
侯景之亂及江陵將覆每百復除六文稱為六陌職者
以為九者陽九六者百六蓋符歷數非人事也

善乎唐魏徵論曰高祖固天攸縱聰明稽古道也生知

學為博物允文允武多勢多才爰自諸生有不羈之度
屬昏凶肆虐天禍及禍糾合義族將雪家冤曰糾可伐
不期而會龍躍樊漢雷擊湘郢翦離德如振稿取獨夫
如遺拾其雄才大畧固無得而稱矣既懸白旗之首方
應皇天之眷布德施惠悅近來遠開蕩蕩之道王革靡
靡之商俗大修文教盛飾禮容鼓扇玄風闡揚儒業介
胄仁義折衝尊俎聲振寰宇澤流遐裔干戈載戢凡數
十年濟濟焉洋洋焉魏晉以來未有若斯之甚也然不

能息未敦本斲彫為樸慕名好事蒙尚浮華抑揚孔墨
流連釋老或終日不寢或日旰不食非弘道以利物惟
飾智以驚愚且心未遺榮虛廁蒼頭之位高談脫履終
戀黃屋之尊夫人之大欲在乎飲食男女至於軒冕殿
堂非有切身之急高祖屏除嗜欲卷戀軒冕殿得其難
而滯于所易可謂神有不達智有不通矣逮夫精華稍
竭德德已衰惠於聽受權在奸佞儲后百辟莫能盡言
險操之心暮年逾甚見利而動懷諫違卜開門揖盜棄

好即讐釁起蕭牆禍成戎羯身殞非命災被億兆衣冠
斃鋒鏑之下老幼粉戎馬之足瞻彼黍離痛深周廟永
言麥悲悲甚殷墟自古以來為危既成而敗顛覆之速
書契所未聞也太宗敏敵過人神受秀發多聞博達富
瞻詞藻然文艷用憂華而不實體窮淫麗義罕疎通哀
思之音遂移風俗以此而貞萬國異乎周誦漢莊矣我
生不辰載離多難桀逆構扇巨猾滔天始同羗里之拘
終頻望夷之禍悠悠蒼天其可問哉昔國步初屯兵經

魏闕羣后釋位勤袂勤王孝元以磐石之宗受分陝之
任屬君親之難居連率之長不能撫劍嘗膽枕戈泣血
身先士卒致命前歐遂乃擁衆逡巡內懷缺望坐觀國
變以為身幸不忍芥卓之誅先行昆弟之戮又沉猜忌
酷多行無禮聘智辯以飾非肆忿戾以害物爪牙重將
心膂謀臣或顧盼以就拘囚或一言而及菹醢朝之君
子相顧慄然自謂安若泰山算無遺策怵于於說即安
荆楚雖元惡克翦社稷未寧而西鄰責言禍敗旋及斯

乃上靈降鑒此焉假手天道人事其可誣乎其篤志藝
文採浮華而棄忠信戎昭果毅先骨肉而後寇讐雖口
誦六經心通百氏有仲尼之學有公旦之才適足以益
其驕矜其禍患何補江陵之覆沒何救江陵之滅亡哉
哉敬帝遭家不造紹茲屯運征伐有所自出政刑不由
於已時無以霍之輔焉得不為高讓與

南北史合注卷八